

Aktuells:

Zur Vürbereitung unnerer Jahreshauptversammling am 09. 01.2025:

Dor Vürstand hat siech mit de Q-Stall-Chefs geeinicht:

Zu unnerer erschtn Voranstaling im Q-Stall werds - wie mirs vu unnern Voreinshaus har gewehtn warn - for alle ner 1 warms Assn gabn. Des is aafacher vun Aufwand har un sicherer for de Bewirtschafting. Des muss for 50 bis 60 Leitn, wie mirs bestimmt zur Auftaktvoranstaling wern, erscht emol bewälticht warn! Mir wolln schu fruh sei, des mir do su gut vorsorcht un bedient warn. Zen Schluss muss dor Imsatz im Geschäft stimme, dodormit is Personal aa gut bezohlt warn ka.

Is neie Gahr bringt bestimmt wieder schiene Hutznobnde, dies erscht emol gut vürzebereitn gilt. E paar neie Ideen wärn do schu mol dorstrebnswart. Vielleicht ka do dor aane oder annere wos mit beitrogn? Genau su wichtich wär aa emol noochzedenk, wer e paar lustiche Geschichtn, Gedichtle oder annersch allgemein Wissenswerts for unner monatlichs Blattl in dor Hinnerhand hätt. De Monate sei oft schnell vorbei un dann stieh iech fast allane vor dare Aufgob, die Seitn ze filln. Gut, des vor alln unner Rainer su viel gute Biddle beisteiert, des hilft schu ugemein, aber des is net allis.

Also, nischt wie har mit eire Beiträchle, mir tät'n uns do drierer freie. Eier Schmidti samt in ganzn Vürstand



FAHRDIENST

Wer am 09.0.2025 abgeholt und auch **wieder nach Hause** gefahren werden will, der möchte bitte bis 14:00 Uhr anrufen:

Johannes Wüst Tel.: 3807



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB


Unner Blattl



Nummer
238

Mitteilungsblatt des
Erzgebirgischen Heimatvereines
Eibenstock e.V.

Januar
2025



**All unnern Mitgliedern un Freindn wünsch'n mir viel
Gesundhaat un de Hoffning of Friedn in dor Walt 2025!**

De Märchnweihnacht un dor Budnzauber 24



Bestellt war vornewag allis, wos mor in unnerer Bud esu vorkaafn wolln. An Freitich früh gings lus mit ne Eirichtn dor Bud. Do muss allis ausn Museum raufgeschlaaft warn an Deko, Glieweiheälter usw.. Nochmittich se bein Simmel mit 3 Auto Gliehweih un Aperolzutatn ohgehult un in de Bud bzw. bein Möckl zwischngelachert wurdn. Dann schu mol allis auffülln, vürhaazn un de erschtn Bemme schmiern. Un dann gings aa schu bal lus. Esu viel Leit hattn mir an Freitichobnd noch nie! Do gings schu mol ganz schie zur Sach, de Tassn befülln, mit Pfand vorkafn un noocherts aa de Tassnkastn



brenge! Un des ging in en fort. Un dann kam aa schu dor Sunnobnd un hat noch emol su viel Leit gebracht. Unner Budnpersonal kunnt gar nimmer racht huch guckn, is Geschäft is super geloffn. Unnere Biebertoler ham mit ihre Tablett voll Nikolaschka allis am Laafn gehaltn. Su schnell, wie die ausgetrunkn hattn, kunnt mor gar net zur Besinning kumme: do standn se aa schu wieder do! Is is viel gemeinsam dorzählt un gelacht wurdn, su des unnere beedn Voreine siech wetter in bester Freindschaft gut vorstenne!



Wir gratulieren unseren Heimatfreunden

| | | |
|-------------------|-----------|--------------------|
| Heidi Gruszynsky | am 06.01. | zum 66. Geburtstag |
| Ulli Limpert | am 06.01. | zum 68. Geburtstag |
| Viola Heinz | am 10.01. | zum 59. Geburtstag |
| Matthias Barth | am 17.01. | zum 68. Geburtstag |
| Uwe Staab | am 22.01. | zum 63. Geburtstag |
| Ute Haese | am 24.01. | zum 77. Geburtstag |
| Ursula Hahn | am 25.01. | zum 74. Geburtstag |
| Martina Wiech | am 25.01. | zum 67. Geburtstag |
| Andrea Barth | am 27.01. | zum 66. Geburtstag |
| Siegfried Schmidt | am 27.01. | zum 86. Geburtstag |
| Bärbel Radecker | am 29.01. | zum 78. Geburtstag |



Als neues Vereinsmitglied begrüßen wir ganz herzlich
Edith Dolezahl

*Wer recht haben will, versucht immer,
das letzte Wort zu haben.
Wer wirklich recht hat, hört auf zu sprechen.
- unbekannt -*

Kommt allezam zu unnerer
„Jahreshauptversammlung“
un Hutznobnd 2025
am Donnerstich, ne 09.01. 25
um 18.00 Uhr, is im Q-Stall



„Heit is Fosnd, heit is Ball,
heit is ieberall Krawall“,
also de Voreinsfosnd is aa
im Q-Stall un zwar am
Donnerstich, ne 6.2., 18.00 Uhr!

De Biebertaler im Reiterhotel



Unner Partnerverein aus Hessland war wieder mol in Eimstock – extra wagn unnerer Märchnweihnacht! Unnerkomme sei se mit ihrn Bus wie schu öfters in Funke sein Reiterhotel. Im Vüfald wurd e klaans Programm ausgemacht, wie un wuzu mir uns traffn kenne. An Donnerstich nooch do Araas sollt e klaaner Begrießingsobnd sei, an Freitich werd ins Bargwark in dor Schlem eigefahrn, do sölltn natierlich aa vu uns e paar mit dorbei sei. Nu un an Sunnobnd, do war

unnere Märchnweihnacht, do wolltn se allezam hie – in ganzn Tog! Un su kams, des mir gelei an erschtn Obnd dortn im Hotel eigerickt sei, samt unnern Vürstand un e Paarle noch esu dorzu.



Des war e Obnd, kaa iech eich sogn! Als Gegnleistung vu unnern Besuch in Biebertol 2023, wu mir allis imesist kricht ham - Asserei im leberfluss un de Trinkerei noch dorzu - ham mir de Vorsorhing mit ne Obndbrut iebernomme wölln. Allis wurd vornewag aa schie beredt. Allerdings war is Buffett noocherts e weng arg knapp bemassn. Iech hab ogewart bis ziemlich alle durch warn – un hab miech gar net getraut, in Ardepl ze namme, do warn när noch viere drinne! De Kließ warn schu lang wag, un Soße när spärlich löfflweis noch do. Aber is gob aa noch gutn Ardäpplkuchn, dar hat den Hessn geschmeckt. Zur Begrießing ham mir Heftle vun ihrer 125-gähring Geschicht un e schiens paar Flaschle Dünsbarg-Bittern kricht. Unner Yves hat dan ordnlich Bandoneon gespielt. Des war is richtche for unnera Besucher. Ze gutn Schluss saat aaner: „Reich när mol deine Mütz rieber!“ Un wos soll iech eich sogn? Die is ball iebergeloffn for lauter Pinkepinke! Des hat siech wenstns mol geluhnt su kurz vor

Weihnacht! Gelei drauf hat natierlich dor Biebertoler Akkordjonist aufgespielt un sei Schwaster dorzu gesunge un getanzt, dor Cenneth hat sei Teiflsgeich behandelt, su des des Ganze ne super Stimming wurn is, Allis hat mitgesunge un gelacht – also des war noocherts e richtscher hessischer Hutznobnd! Eier Schmidti



Dor Sunntich bracht aa wieder viel Leit, su des unner Budnzauber zen volln Dorfolch for unneren Vorein wurn is! Do ka is neie Gahr kumme mit Voranstaltinge, gut gefülltn un lustichn Hutznobndn! Bis dohie
-eier Schmidti



Unner 24er Weihnachtshutznobnd im Hotel



Am 5. Dezember wars wieder emol suweit: Unner Weihnachtsfeier im Hotel stand aa. De Vübereitunge mitn Termin, is Abstimme mit dor Asserei hat gut hiegehaa, dodorbei hat uns de Daniela bestns unnerstutzt. Schu e paar Wochn zevor hatt iech mit ne Friedemann vu dor ETR aus-

gemacht, des ar dorwagn emol mit seine Gitarrnspieler e klaans Weihnachtsprogramm bei uns zeign kennt. Un schu war aa dor Obnd ra, dor Mäxe hat de Technik atransportiert un iech mein Lättop. Is hat eweng gedauert, bis mir beede des ganze Zeich zen



Saah un Hern zamebracht ham, aber mir kunntn pinktlich startn. Unner Vorsitzn dor Chef Matthias war ja leider immer noch krank, su des halt iech de Begrießing haltn muß. Glei dornooch ham mir wies dor Vorstand beschlossn hat – Blattleausträcher un de Hutz-



obndfahrer mit norn klenn Geschenk geehrt. Draußn vorn Saal war dann aa schu de Asserei schie aufgebaut un aagericht – bestimmt zah mol besser wie im Reiterhotel! Alle ham siech satt assn kenne, alln hatts geschmeckt un wenn ewos alle war, issis wieder aufgefüllt wurn! Inzwischn hat dor Friedemann mit seine Mitstreiter seine Nuutnstander usw. aufgebaut un wu dor letzte Taller ogereimtwar, konnts Programm startn. Schiene Weihnachtsliedle sei dorklunge, bei mannichn kunnt mor 4 allezam mitsinge. Des hat uns allezam gut of de Weihnacht eigestimmt.



Tja, un dann halt wie jeds Gahr wieder, wurn de Lose vortaalt un war halt die Nummer hat, die de Antina aufgerufn hat, dar hat sei Geschenk in de Hand kriecht. Net grod jeder - aber immerhin e paarle - ham e Liedl gesunge oder e Sprüchl agesaat. Besonnersch dor klaane Ullmann-Gung hat wieder e lustichs Gedichtl vu sein

Zwicker Dichter ganz gekonnt vürgetrogn. Als alle Lose durch warn, durft mor endlich des schie Eigepackte aufmachn. Iech glab, jeder kunnt mit sein erschn Weihnachtsgeschenk ganz zefriedn sei. Wenn aa e mannicher soocht, mir kenntn des zur Feier irgnd wann waglessn—is is ja nu mol Weih-



nachtn ihr Leit, un do gibt's halt Geschenker. Un mannichsmol halt aa Zeich, wos mor net ubedingt braucht – aber des kaa mor ja eventudl wieder an annere vorschekn... Dor Biemer hat dann schiene Bildle vu unnerern diesjährig Märchnimzuch an de Wand gebracht – die warn fast allezam vu en Herbert Kümpfel aus dor Zweentz. Dar hat uns 75 sölche gutn Bildle geschickt zur frein Vorwendung, des is

lobnswart! An jedn Tisch is noch viel gelacht un dorzählt wurn, su des is e guter Hutznobnd zen End vun den Gahr 2024 wurn is. Was uns des neie Gahr bringt – hoffntlich meh Friedn of dare Walt - un viel Gesundhaat un Glick for uns alle. Des winscht eich eier Schmidtli un dor Voreinsvürstand!

